

**ZAPISNIK O RADU DEVETE SJEDNICE  
GRADSKOG VIJEĆA GRADA SARAJEVA  
ODRŽANE 29.11.2017. GODINE U VIJEĆNICI**

Broj: 01- GV- 02-1855/17

Datum: 29.11.2017. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.** Prisutni su bili sljedeći gradski vijećnici:

- |                            |                          |
|----------------------------|--------------------------|
| 1. Mr. Hazim Bahtanović    | 15. Almedin Miladin      |
| 2. Bajro Biber             | 16. Snežana Omukić       |
| 3. Mr. Vedad Deljković     | 17. Mr. Srđan Simonović  |
| 4. Vedran Dodik            | 18. Srđan Srdić          |
| 5. Mr. Tea Dreković        | 19. M r. Sead Srna       |
| 6. Samir Fazlić            | 20. Barbara Stroil Peleš |
| 7. Edina Gabela            | 21. Dado Stojnić         |
| 8. Dr. Igor Gavrić         | 22. Nihad Uk             |
| 9. Adnan Gušo              | 23. Lana Velić           |
| 10. Reuf Hafizović         | 24. Toni Vukadin         |
| 11. Mr. Vibor Handžić,     | 25. Adnan Talić          |
| 12. Mira Jurić             | 26. Nuko Grebović        |
| 13. Prof.dr. Velija Katica |                          |
| 14. Miro Lazović           |                          |

Odsutni:Mr. Miroslav Živanović i Sanela Fijuljanin(najavljeni izostanci)

Pored gradskih vijećnika sjednici su prisustvovali:

1. Mr.Abdulah Skaka, Gradonačelnik
2. Milan Trivić, zamjenik Gradonačelnika
3. Ivica Šarić, zamjenik Gradonačelnika
4. Safet Krajišnik, sekretar Gradskog vijeća,
5. Jasmina Karović, pravobranilac Grada Sarajeva,
6. Elvir Hadžiahmetović, sekretar Gradske uprave,
7. Dragana Solaković, pomoćnik Gradonačelnika za lokalnu samoupravu i razvoj grada,
8. Amina Deljković, pomoćnik Gradonačelnika za obrazovanje, kulturu, sport i mlade,
9. Amela Kolovrat, pomoćnik Gradonačelnika za finansije,
10. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
11. Članovi Odbora za budžet i finansije koji nisu gradski vijećnici
12. Enes Peštek, direktor JP „Olimpijski bazen Otoka“, d.o.o
13. Esad Tanović, direktor JP „Sarajevo“, d.o.o.

**Predsjedavajući Gradskog vijeća Igor Gavrić** je pozdravio prisutne gradske vijećnike i goste te otvorio Devetu sjednicu Gradskog vijeća Grada Sarajeva konstatacijom da sjednici prisustvuju 22 gradska vijećnika, da su izostanak najavili gradska vijećnica Sanela Fijuljanin i gradski vijećnik Miroslav Živanović, da su kašnjenje najavili gradski vijećnik Toni Vukadin, Dado Stojnić, Srđan Simonović i Vedad Deljković, te da sjednica Gradskog vijeća ima kvorum za punovažan rad i odlučivanje.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), usvojilo je **Zapisnik o radu Osme sjednice Gradskog vijeća Grada Sarajeva**, održane 25.10.2017. godine.

\*\*\*

**Predsjedavajući Gradskog vijeća Igor Gavrić** je najavio utvrđivanje dnevnog reda i dao uvodne napomene sljedećeg sadržaja.

Uz poziv za sjednicu Gradskog vijeća, gradskim vijećnicima je dostavljen prijedlog dnevnoga reda sa materijalima i izvještajima nadležnih radnih tijela o predloženim aktima, te saglasnostima zamjenika Gradonačelnika.

Zatim je pozvao na jedinstvenu raspravu, a pojedinačno odlučivanje o aktima podnesenim na razmatranje u formi prijedloga, po proceduri koja zahtjeva izjašnjenje Gradskog vijeća o prethodnom pitanju i to o:

- Prijedlog Odluke o razrješenju članova radnih tijela Gradskog vijeća Grada Sarajeva (*Enes Peštek, Samir Imamović*)
- Prijedlog Odluke o izboru članova radnih tijela Gradskog vijeća Grada Sarajeva (*Adnan Gušo, Senka Ibrišimbegović*)
- Prijedlog Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini
- Prijedlog Odluke o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva
- Prijedlog Odluke o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“
- Prijedlog Odluke o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEVI Sarajevo"
- Prijedlog Odluke o osnivanje Javne ustanove "Muzej savremene umjetnosti ARS AEVI Sarajevo"
- Prijedlog Odluke o stavljanju van snage Odluke o kućnom redu u stambenim zgradama

U raspravi je gradski vijećnik Samir Fazlić je iznio svoje mišljenje i postavio određena pitanja vezano za postupak predlaganja Odluke o osnivanje Javne ustanove "Muzej savremene umjetnosti ARS AEVI Sarajevo", a odgovore i dodatna obrazloženja dao je **zamjenik Gradonačelnika Grada Sarajeva Milan Trivić**, te je raspravu nastavio **gradski vijećnik Samir Fazlić**, a zatim i **zamjenica Predsjedavajućeg Gradskog vijeća Edina Gabela** koja je, u ime Kluba gradskih vijećnika SDA, predložila da se predmetna odluka razmatra po redovnom postupku.

\*\*\*

**Predsjedavajući Gradskog vijeća Igor Gavrić** je konstatirao da su se, u međuvremenu radu sjednice pridružili gradski vijećnik Toni Vukadin, gradski vijećnik Srđan Simonović i gradski vijećnik Vedad Deljković.

\*\*\*

Raspravu su nastavili **gradski vijećnik Vibor Handžić i gradska vijećnica Barbara Peleš Stroil**, a odgovore na nova pitanja i dalja obrazloženja dao je **zamjenik Gradonačelnika Milan Trivić**, te svoju diskusiju zaključila **gradska vijećnica Barbara Peleš Stroil**.

Na zahtjev **gradskog vijećnika Velije Katice, predsjedavajućeg Kluba gradskih vijećnika SDA, Predsjedavajući Gradskog vijeća Igor Gavrić** je najavio pauzu.

\*\*\*

Nakon pauze i izjašnjenja **gradskog vijećnika Velije Katice, predsjedavajućeg Kluba gradskih vijećnika SDA**, o rezultatima postignutim u pauzi sjednice, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika (dva gradska vijećnika se nisu izjasnila), usvojilo je prijedlog da se Odluka o razrješenju članova radnih tijela Gradskog vijeća Grada Sarajeva (*Enes Peštek, Samir Imamović*) razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo je prijedlog da se Odluka o izboru članova radnih tijela Gradskog vijeća Grada Sarajeva (*Adnan Gušo, Senka Ibrišimbegović*) razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 19 glasova "za", dva glasa "protiv" i uz tri "suzdržana" glasa prisutnih gradskih vijećnika, usvojilo je prijedlog da se Odluka o obrazovanju Odbora za dodjelu „Šestoaprilske nagrade Grada Sarajeva“ u 2018. godini razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (dva gradska vijećnika se nisu izjasnila), usvojilo je prijedlog da se Odluka o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom "za", bez glasova "protiv" i uz tri "suzdržana" glasa prisutnih gradskih vijećnika, usvojilo je prijedlog da se Odluke o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“ razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom "za", bez glasova "protiv" i uz dva "suzdržana" glasa prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEVI Sarajevo" razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 18 glasova "za", bez glasova "protiv" i uz šest "suzdržanih" glasova prisutnih gradskih vijećnika, usvojilo je prijedlog da se Odluka o osnivanju Javne ustanove "Muzej savremene umjetnosti ARS AEFI Sarajevo" razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa "za", jednim glasom "protiv" i uz jedan "suzdržan" glas prisutnih gradskih vijećnika usvojilo je prijedlog da se Odluka o stavljanju van snage Odluke o kućnom redu u stambenim zgradama razmatra u formi prijedloga po skraćenom postupku.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika, usvojilo dnevni red Devete sjednice Gradskog vijeća:

1. **Prijedlog Odluke o razrješenju članova radnih tijela Gradskog vijeća Grada Sarajeva** (*Enes Peštek, Samir Imamović*)
2. **Prijedlog Odluke o izboru članova radnih tijela Gradskog vijeća Grada Sarajeva** (*Adnan Gušo, Senka Ibrišimbegović*)
3. **Prijedlog Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini**
4. **Prijedlog Odluke o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva**
5. **Prijedlog Etičkog kodeksa izabranih zvaničnika Grada Sarajeva**
6. **Prijedlog Odluke o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“**
7. **Prijedlog Odluke o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEFI Sarajevo"**
8. **Prijedlog Odluke o osnivanju Javne ustanove "Muzej savremene umjetnosti ARS AEFI Sarajevo"**
9. **Prijedlog Odluke o stavljanju van snage Odluke o kućnom redu u stambenim zgradama**
10. **Izveštaj o preduzetim aktivnostima i toku priprema za održavanje EYOF 2019**
11. **Izveštaj o realizaciji Projekta službene elektronske komunikacije u Gradskom vijeću Grada Sarajeva**
12. **Informacija o izvršenju Budžeta Grada Sarajeva za period 01.01. do 30.09.2017. godine**
13. **Informacija BH GAS d.o.o. o snabdjevenosti grada Sarajeva gasom za grijnu sezonu 2017/2018**
14. **Vijećnička pitanja i inicijative**

Ad 1, 2, 3. i 4.)

**Predsjedavajući Gradskog vijeća Igor Gavrić** je najavio jedinstvenu raspravu o:

- **Prijedlog Odluke o razrješenju članova radnih tijela Gradskog vijeća Grada Sarajeva** (*Enes Peštek, Samir Imamović*)
- **Prijedlog Odluke o izboru članova radnih tijela Gradskog vijeća Grada Sarajeva** (*Adnan Gušo, Senka Ibrišimbegović*)
- **Prijedlog Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini**
- **Prijedlog Odluke o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluka Komisija za izbor i imenovanja, te da je Komisija za Statut i akte razmatrala predložene akte.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 21 glasom "za", bez glasova "protiv" i uz tri "suzdržana" glasa prisutnih gradskih vijećnika, usvojilo je Odluku o razrješenju članova radnih tijela Gradskog vijeća Grada Sarajeva (*Enes Peštek, Samir Imamović*) kako je predložena.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), usvojilo je Odluku o izboru članova radnih tijela Gradskog vijeća Grada Sarajeva (*Adnan Gušo, Senka Ibrišimbegović*) kako je predložena.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, izjasnivši se sa 14 glasova "za", četiri glasa "protiv" i uz šest "suzdržanih" glasova prisutnih gradskih vijećnika, nije usvojilo Odluku o obrazovanju Odbora za dodjelu „Šestoaprilske nagrade Grada Sarajeva“ u 2018. godini kako je predložena.

Budući da je **gradski vijećnik Velija Katica, predsjedavajući Kluba gradskih vijećnika SDA** izrazio sumnju u rezultate glasanja, **sekretar Gradskog vijeća Safet Krajišnik** je pozvao gradske vijećnike da se i pojedinačno izjasne o predloženom aktu, te je izvršeno izjašnjenje kako slijedi:

1.	Hazim Bahtanović	za	15.	Velija Katica	za
2.	Bajro Biber	za	16.	Miro Lazović	za
3.	Mr. Vedad Deljković	protiv	17.	Almedin Miladin	suzdržan
4.	Vedran Dodik	protiv	18.	Snežana Omukić	suzdržana
5.	Tea Dreković	za	19.	Srđan Simonović	protiv
6.	Samir Fazlić	za	20.	Srđan Srđić	za
7.	Sanela Fijuljanin	odsutna	21.	Sead Srna	protiv
8.	Edina Gabela	suzdržana	22.	Barbara Stroil Peleš	za
9.	Igor Gavrić	za	23.	Dado Stojnić	odsutan
10.	Nuko Grebović	za	24.	Adnan Talić	suzdržan
11.	Adnan Gušo	za	25.	Nihad Uk	za
12.	Reuf Hafizović	protiv	26.	Lana Velić	suzdržana
13.	Vibor Handžić	za	27.	Toni Vukadin	suzdržan
14.	Mira Jurić	odsutna	28.	Miroslav Živanović	odsutan

Poslije posjedinačnog izjašnjavanja, **Predsjedavajući Gradskog vijeća Igor Gavrić** je konstatirao, da je **Gradsko vijeće Grada Sarajeva**, bez rasprave, izjasnivši se sa 13 glasova "za", pet glasova "protiv" i uz šest "suzdržanih" glasova prisutnih gradskih vijećnika (četiri gradska vijećnika nisu bila prisutna tokom glasanja), nije usvojilo Odluku o obrazovanju Odbora za dodjelu „Šestoaprilske nagrade Grada Sarajeva“ u 2018. godini kako je predložena.

\*\*\*

O mogućim posljedicama ne donošenja Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini, diskutirali su gradski vijećnik Vibor Handžić, Predsjedavajući Gradskog vijeća Igor Gavrić, gradski vijećnik Nuko Grebović, gradski vijećnik Samir Fazlić, gradski vijećnik Vedran Dodik, gradski vijećnik Sead Srna i gradski vijećnik Velija Katica, a o Prijedlogu Odluke o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva, **gradski vijećnik Nihad Uk.**

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova,** izjasnivši se sa 21 glasom "za", bez glasova "protiv" i uz jedan "suzdržan" glas prisutnih gradskih vijećnika (dva gradska vijećnika se nisu izjasnila), usvojilo je Odluku o razrješenju sa funkcije predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva kako je predložena.

Ad 5.)

### **Prijedlog Etičkog kodeksa izabranih zvaničnika Grada Sarajeva**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Etičko vijeće, te da je materijal razmatrala Komisija za Statut i akte.

Podsjetio je da je javna rasprava o Nacrtu Etičkog kodeksa bila produžena zaključkom Gradskog vijeća, međutim, ni do isteka novog roka za dostavljanje mišljenja u javnoj raspravi, nije bilo novih primjedbi, prijedloga niti sugestija, izuzev onih ranije pristiglih od Gradonačelnika.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave **jednoglasno**, izjasnivši se sa 23 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), usvojilo je Etički kodeks izabranih zvaničnika Grada Sarajeva kako je predložen.

Ad 6.)

### **Prijedlog Odluke o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da su materijal razmatrale Komisije za izbor i imenovanja i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave **većinom glasova**, izjasnivši se sa 19 glasova "za", bez glasova "protiv" i uz dva "suzdržana" glasa prisutnih gradskih vijećnika (tri gradska vijećnika se nisu izjasnila), usvojilo je Odluku o izmjeni i dopuni Odluke o uslovima i načinu dodjele „Šestoaprilske nagrade Grada Sarajeva“ kako je predložena.

Ad 7. i 8.)

**Predsjedavajući Gradskog vijeća Igor Gavrić** je pozvao gradske vijećnike na jedinstvenu raspravu, a pojedinačno odlučivanje o

- **Prijedlog Odluke o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEVI Sarajevo"**
- **Prijedlog Odluke o osnivanju Javne ustanove "Muzej savremene umjetnosti ARS AEVI Sarajevo"**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluka Gradonačelnik, a da su materijale razmatrala nadležna radna tijela Odbor za društvene djelatnosti, Administrativna komisija i Komisija za Statut i akte, te je izdvojio mišljenje Administrativne komisije o potrebi planiranja sredstava u Budžetu Grada Sarajeva za 2018. godinu, na posebnom razdjelu za rad JU Muzej savremene umjetnosti ARS AEVI (budžetskog korisnika), od 150.000 KM, a koja se neće doticati sredstava koja se planiraju za rad Gradskog vijeća.

U raspravi je **zamjenica Predsjedavajućeg Gradskog vijeća Edina Gabela** predložila da se rok za osnivanje javnog poduzeća produži tako da, umjesto 30, bude 90 dana, što je Predlagač i prihvatio.

U raspravi su dalje sudjelovali **gradski vijećnik Samir Fazlić, gradska vijećnica Barbara Peleš Stroil**, a odgovore na pitanja, a zatim i dodatna obrazloženja dao je **zamjenik Gradonačelnika Milan Trivić**.

**Na zahtjev gradskog vijećnika Vedrana Dodika**, predsjedavajućeg Kluba gradskih vijećnika "Savez za Stari Grad - Građanski savez", uslijedila je pauza u radu sjednice Gradskog vijeća.

\*\*\*

Nakon pauze i informacije **gradskog vijećnika Vedrana Dodika o rezultatima postignutim tokom pauze, raspravu je nastavio gradski vijećnik Vibor Handžić.**

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 23 glasa "za", bez glasova "protiv" i uz dva "suzdržana" glasa prisutnih gradskih vijećnika, usvojilo je Odluku o utvrđivanju postojanja javnog interesa za osnivanje Javne ustanove "Muzej savremene umjetnosti ARS AEFI Sarajevo" kako je predložena.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 22 glasa "za", bez glasova "protiv" i uz dva "suzdržana" glasa prisutnih gradskih vijećnika (jedan gradski vijećnik se nije izjasnio), usvojilo je Odluku o osnivanju Javne ustanove "Muzej savremene umjetnosti ARS AEFI Sarajevo" kako je predložena i izmjenjena tokom rasprave.

#### **Ad 9)**

#### **Prijedlog Odluke o stavljanju van snage Odluke o kućnom redu u stambenim zgradama**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluka Gradonačelnik, a da su materijale razmatrala nadležna radna tijela Odbor za javne službe, infrastrukturu i javni saobraćaj i Komisija za Statut i akte. Izdvojio je mišljenje Odbora za javne službe, infrastrukturu i javni saobraćaj u kome se ukazuje na uspostavljanje pravne praznine stavljanjem van snage ove odluke, a pogotovo u dijelu koji se odnosi na komunalni red vezan za korištenje vanjskih dijelova zgrade i zemljišta koje pripada zgradi, te u kome se upućuje na poteškoće koje se očekuju u procesu usaglašavanja kućnog reda među stanarima u stambenim zgradama.

Uvodno izlaganje je podnijela predstavica Gradonačelnika **Arijana Musić, stručni savjetnik u Gradskoj službi za urbano planiranje, investicije, stambene i komunalne poslove.**

U raspravi su sudjelovali **gradski vijećnik Nuko Grebović, gradski vijećnik Vibor Handžić, te Predsjedavajući Gradskog vijeća Igor Gavrić** koji je sažeo prijedlog proizišao iz rasprave.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasnivši se sa 10 glasova "za", četiri glasa "protiv" i uz 11 "suzdržanih" glasova prisutnih gradskih vijećnika, nije usvojilo Odluku o stavljanju van snage Odluke o kućnom redu u stambenim zgradama.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 24 glasa "za", bez glasova "protiv" i bez "suzdržanih" glasova prisutnih gradskih vijećnika (jedan gradski vijećnik se nije izjasnio), u povodu razmatranja Prijedloga Odluke o stavljanju van snage Odluke o kućnom redu u stambenim zgradama, na prijedlog Odbora za javne službe, infrastrukturu i javni saobraćaj, usklađenog sa iznesenim diskusijama, usvojilo je sljedeći zaključak:

**Zadužuje se Gradonačelnik da razmotri mogućnost da se, u saradnji s nadležnim institucijama, inicira i donese izmjena člana 98. Zakona o stvarnim pravima Federacije Bosne i Hercegovine („Službene novine Federacije Bosne i Hercegovine", broj 66/13 i**



100/13), a s ciljem utvrđivanja obaveze donošenja jedinstvenog kućnog reda u stambenim zgradama za područje grada.

**Ad 10)**

**Izveštaj o preduzetim aktivnostima i toku priprema za održavanje EYOF 2019**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za društvene djelatnosti i Komisija za Statut i akte.

Uvodno izlaganje je podnio **Natko Sudžuka, zamjenik direktora EYOF, d.o.o. Istočno Sarajevo.**

U raspravi su određena pitanja postavili i svoja mišljenja iznijeli **gradski vijećnik Velija Katica i gradski vijećnik Vedran Dodik**, a odgovore na pitanja i dodatna obrazloženja dao je uvodničar, a raspravu je nastavio **gradski vijećnik Nuko Grebović.**

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 25 glasova "za", bez glasova "protiv" i bez "suzdržanih" glasova prisutnih gradskih vijećnika, usvojilo je Izveštaj o preduzetim aktivnostima i toku priprema za održavanje EYOF 2019 kako je podnesen.

**Ad 11)**

**Izveštaj o realizaciji Projekta službene elektronske komunikacije u Gradskom vijeću Grada Sarajeva**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je formalni predlagač akta **Predsjedavajući Gradskog vijeća**, a da su materijale razmatrali Odbor za informatiku i telematiku i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 24 glasa "za", bez glasova "protiv" i uz jedan "suzdržan" glas prisutnih gradskih vijećnika, usvojilo je Izveštaj o realizaciji Projekta službene elektronske komunikacije u Gradskom vijeću Grada Sarajeva sa predloženim zaključcima kako je i podnesen.

**Ad 12)**

**Informacija o izvršenju Budžeta Grada Sarajeva za period 01.01. do 30.09.2017. godine**

U uvodnim napomenama **Predsjedavajući Gradskog vijeća Igor Gavrić** je podsjetio gradske vijećnike da je predlagač akta Gradonačelnik, a da su informaciju razmatrali Odbor za javne službe, infrastrukturu i javni saobraćaj i Administrativna komisija.

Budući da nije bilo rasprave, **Predsjedavajući Gradskog vijeća Igor Gavrić** je konstatirao da je **Gradsko vijeće Grada Sarajeva** primilo k znanju **Informaciju o izvršenju Budžeta Grada Sarajeva za period 01.01. do 30.09.2017. godine** kako je podnesena.

**Ad 13)**

**Informacija BH GAS d.o.o. o snabdjevenosti grada Sarajeva gasom za grijnu sezonu 2017/2018**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, da je materijal razmatrao Odbor za javne službe, infrastrukturu i javni saobraćaj.

Uvodno izlaganje, uz vizualnu prezentaciju, podnio je Almir Bečarević, zamjenik direktora JP BH GAS, do.o Sarajevo.

Budući da nije bilo rasprave, **Predsjedavajući Gradskog vijeća Igor Gavrić** je konstatirao da je **Gradsko vijeće Grada Sarajeva** primilo k znanju **Informaciju o izvršenju Budžeta Grada Sarajeva za period 01.01. do 30.09.2017. godine** kako je podnesena.

Ad 14)

#### Vijećnička pitanja i inicijative

**1. Komisija za pitanja mladih** uputila je sljedeću **inicijativu.**

Komisija za pitanja mladih upućuje inicijativu Gradskom vijeću da zaduži Gradonačelnika da, pri izradi Nacrta Programa obilježavanja dana Grada Sarajeva u 2018. godini, u Program uvrsti manifestaciju iz oblasti kulture i to smotru folklornih društava, a u organizaciji krovnog udruženja kulturno umjetničkih društava u Kantonu Sarajevo.

Gradsko vijeće se o podnesenoj inicijativi nije izjašnjavalo, uz obrazloženje Predsjedavajućeg Gradskog vijeća o osnivanju Organizacionog odbora za pripremu Programa obilježavanja Dana Grada Sarajeva kojem će se uputiti podnesena inicijativa.

**2. Odbor za lokalni biznis i turizam** uputio je **inicijativu** kojom je predložio Gradskom vijeću donošenje konkretnog zaključka.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), podržalo je podnesenu inicijativu usvajanjem predloženog zaključka:

**Zadužuje se JP „Sarajevo” d.o.o da razmotri opravdanost visine utvrđene cijene ulaznice u Vijećnicu s ciljem utvrđivanja niže cijene, te da razmotri mogućnost utvrđivanja radnog vremena prilagođenog turistima i o tome izvijesti Gradsko vijeće.**

**3. Odbor za lokalni biznis i turizam** uputio je sljedeću **inicijativu.**

Potrebno je da Gradsko vijeće uputi inicijativu nadležnim institucijama BiH i Federacije BiH, da u skladu s Ustavom BiH i Ustavom Federacije BiH, donesu Zakon o glavnom gradu.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova "za", bez glasova "protiv" i bez "suzdržanih" glasova prisutnih gradskih vijećnika (šest gradskih vijećnika se nije izjasnilo), podržalo je podnesenu inicijativu koja je postala inicijativom Gradskog vijeća i upućena je Gradonačelniku na realizaciju.

**4. Odbor za javne službe, infrastrukturu i javni saobraćaj** uputio je sljedeću **inicijativu.**

Odbor za javne službe, infrastrukturu i javni saobraćaj podržava projekat izgradnje biciklističke staze i projekat uređenja i održavanja korita rijeke Miljacke, iluminacije mostova, te inicira razmatranje mogućnosti uređivanja na odgovarajući način održavanja i prezentacije nasljeđenih česmi i šadrvana, te izgradnje fontana.

**Predsjedavajući Gradskog vijeća Igor Gavrić** je konstatirao da se Inicijativa upućuje Gradonačelniku na dalje postupanje.

**5. Odbor za javne službe, infrastrukturu i javni saobraćaj** uputio je sljedeću **inicijativu**.

Odbor za javne službe, infrastrukturu i javni saobraćaj ukazuje na opasnost koja građanima prijete od velikog broja klizišta u gradu Sarajevu i predlaže Gradskom vijeću da uputi inicijativu nadležnim organima za donošenje strategije sanacije klizišta.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), podržalo je podnesenu inicijativu koja je postala inicijativom Gradskog vijeća.

**6. Odbor za javne službe, infrastrukturu i javni saobraćaj** uputio je sljedeću **inicijativu**.

Odbor za javne službe, infrastrukturu i javni saobraćaj predlaže Gradskom vijeću da zaduži Gradonačelnika da razmotri problematiku funkcije kosog lifta na Ciglanama, te predloži Gradskom vijeću postupanje, u okviru nadležnosti Grada Sarajeva, odnosno upućivanje inicijative nadležnim organima za rješavanje ovog problema.

O podnesenoj inicijativi se Gradsko vijeće nije izjašnjavalo, uz obrazloženje Predsjedavajućeg Gradskog vijeća da je Općina Centar nadležna za funkciju kosog lifta na Ciglanama, te da je načelnik Općine Centar već najavio sanaciju i rekonstrukciju kosog lifta.

**7. Gradski vijećnik Srđan Simonović** uputio je i pismeno dostavio **vijećničko pitanje** kako slijedi:

“Koliko je trenutno zaposlenih u objektu Vijećnica i opis njihovog posla?  
Molim da mi se odgovori pismenim putem do naredne sjednice Gradskog vijeća.”

**8. Gradski vijećnik Srđan Simonović** uputio je i pismeno dostavio **vijećničko pitanje** kako slijedi:

“Gdje su putovali gradski vijećnici od početka mandata i koliko dana su ostajali?  
Molim da mi se odgovori pismenim putem, posebno za svakog gradskog vijećnika sa datum 30.11.2017. godine.”

**9. Gradski vijećnik Almedin Miladin** uputio je **vijećničko pitanje** sljedećeg sadržaja.

Potrebno je da se, na sljedećoj sjednici, Gradsko vijeće informira o toku realizacije inicijative Gradskog vijeća o promjeni naziva šetnice u dijelu od Careve džamije do Ćumurije mosta.

**10. Gradski vijećnik Almedin Miladin** uputio je **vijećničko pitanje** sljedećeg sadržaja.

Potrebno je da se, na sljedećoj sjednici, Gradsko vijeće informira o toku realizacije inicijative Gradskog vijeća o potrebi ponovnog otvaranja obdaništa na lijevoj obali Miljacke u općini Stari Grad.

**11. Gradski vijećnik Sead Srna** uputio je **vijećničko pitanje** sljedećeg sadržaja.

Budući da nije dostavljen odgovor na pitanja koja je postavio gradski vijećnik Adnan Talić u ime Kluba gradskih vijećnika "ASA" na prošloj sjednici Gradskog vijeća, potrebno je da Predsjedavajući Gradskog vijeća što prije odgovori na ova pitanja koja nisu ni teška ni složena.

**12. Gradski vijećnik Vibor Handžić** uputio je **inicijativu** sljedećeg sadržaja.

Potrebno je da se redovno, a u najkraćem mogućem roku, dostavljaju odgovori na vijećnička pitanja, odnosno informacije o toku realizacije inicijativa koje se podnose na sjednicama Gradskog vijeća.

**13. Gradski vijećnik Vibor Handžić** uputio je i najavio dostavljanje u pisanoj formi, **inicijativu** sljedećeg sadržaja.

Potrebno je razmotriti mogućnost da se sjednice Gradskog vijeća prenose uživo bilo u suradnji sa javnim TV servisom odnosno TV Sarajevo koja je prenosila i Konstituirajuću sjednicu, bilo osiguranjem prijenosa uživo putem službene internet stranice Gradskog vijeća (*live streaming*), a što rade skoro sva općinska vijeća gradskih općina.

\*\*\*

**Predsjedavajući Gradskog vijeća Grada Sarajeva Igor Gavrić** je najavio održavanje Desete sjednice Gradskog vijeća za srijedu 20.12.2017. godine i zaključio Devetu sjednicu Gradskog vijeća.

*Zasjedanje je završeno u 12 sati i 43 minuta.*

Sastavni dio ovog zapisnika je izvornik i tonski snimak o radu sjednice Gradskog vijeća koji se čuvaju u Gradskoj službi za Gradsko vijeće Grada Sarajeva.

*SEKRETAR GRADSKOG VIJEĆA  
Safet Krajišnik, s.r.*

*PREDSJEDAVALJUĆI GRADSKOG VIJEĆA  
Dr. Igor Gavrić, s.r.*